

文獻通考

二百五十二之三

帝系考

漢書門類		
六〇〇號	一二函	一四〇冊

內閣文庫		
五〇〇號	一〇〇冊	五八〇函

內閣文庫	
番號	漢 600
冊數	140 (101)
函號	294 6

六百四十一



鄱陽馬

端臨

貴與著

帝系考

太上皇太皇太后皇太后

祖武德九年詔禪位于皇太子稱太上皇上

弘義宮有山林勝景雅好之貞觀三年四月

為徙居之改為大安宮上屢請上皇避暑九成宮


上皇以隋文帝終於彼惡之乃營大明宮以為上

唐清暑之所未成而上皇寢疾不果居九年崩

高宗崩太子即位詔軍國大事聽太后處分元年

太后廢帝遷之房陵立睿宗幽於別宮五年自稱

聖母神皇殺唐宗室諸王又二年自稱大周聖神



皇帝以睿宗為皇嗣賜姓武氏追謚祖考為帝立
武氏七廟封武三思等為王又十四年張柬之等
奉中宗誅張易之張昌宗帝復位其年后崩
韋后鸞弒中宗立殤帝為皇太后臨朝總庶政臨
淄王隆基舉兵誅之追廢為庶人
睿宗在位二年制傳位于太子太子上表固辭太
平公主勸上雖傳位猶宜總大政上乃謂太子曰
汝以為天下事重欲朕兼理之耶昔舜禪禹猶親
巡狩朕雖傳位豈忘國家其軍國大事當兼省之
八月庚子玄宗即位尊睿宗為太上皇上皇自稱
曰朕命曰誥五日一受朝於太極殿皇帝自稱曰
予命曰制勅日受朝於武德殿三品以上除授及

大刑政決於上皇餘皆決於皇帝明年七月上誅
太平公主及其黨上皇誥自今軍國政刑一皆取
皇帝處分朕方無為養志以遂素心是月徙居百
福殿開元四年上皇崩

致堂胡氏曰睿宗每自謂素懷淡泊不樂世
務然則盍不於傳位之時盡釋萬機則太平
亦無所恃而謀亂乃有眷眷之情尚知大政
昧於元龍有悔之義是以不智處身而以不
孝處其子也豈非後王之戒哉

又曰玄宗舉兵誅討韋氏雪君憤辱厥功雖
大而意在自取不得已而歸之於父尋又怵
惑邪說殺父同氣至使睿宗盡釋大權而問

安侍膳以天下養之事一無聞焉其友愛隆厚獨施之五王同寢共宴遊戲賞樂更奏絲竹親煖藥餌何其至也豈非以手足天性均出於父乎施諸手足者如此於父宜如何而孝養無聞五月而葬不太薄乎古之人所以大過人者無他善推其所為而已玄宗能其小而不能其大力於次者而忽於至者不推其所為無乃初心有利欲之蔽乎無乃惑宋王之讓已而薄其父乎雖享國日久而天理好還終不可道是故正其義不謀其利者為子則孝為臣則忠自天子至於庶人其揆一也

肅宗至德元年即位於靈武尊玄宗曰上皇天帝靈武使者至蜀上皇喜曰吾兒應天順人吾復何憂制自今改制勅為誥表疏稱太上皇四海軍國事皆先取皇帝進上仍奏朕知俟克復上京朕不復預事命韋^昌素房瑄崔渙奉傳國寶玉冊詣靈武傳位二年克復兩京使韋見素入蜀奉迎上皇上皇至鳳翔從兵六百餘人上皇命悉以甲兵輸郡庫上發精騎三千奉迎十二月丙午上皇至咸陽上備法駕迎於望賢宮上皇在宮南樓上釋黃袍著紫袍望樓下馬趨進拜舞於樓下上皇降樓撫上而泣上捧上皇足嗚咽不自勝上皇索黃袍自為上著之上伏地頓首固辭上皇曰天數人心

皆歸於汝使朕得保養餘齒汝之孝也上不得已受之父老在仗外歡呼且拜上令開仗縱千餘人入謁上皇曰臣等今日復覩二聖相見死無恨矣上皇不肯居正殿曰此天子之位也上固請自扶上皇登殿尚食進食上品嘗而薦之丁未將發行宮上親為上皇習馬而進之上皇上馬上親執鞚行數步上皇止之上乘馬前引不敢當馳道上皇謂左右曰吾為天子五十年未為貴今為天子父乃貴耳左右皆呼萬歲上皇自開遠門入大明宮御舍元殿慰撫百官乃詣長樂殿九廟主慟哭久之即日幸興慶宮遂居之上累表請避位還東宮上皇不許時李輔國暴貴用事上皇左右皆輕

之輔國意恨言於上曰上皇居興慶宮與外交通陳玄禮高力士謀不利於陛下當為社稷計豈得徇匹夫之孝若迎居大內以杜絕小人上不應上元元年上寢疾輔國矯詔將五百騎露刃迎上皇遷居甘露殿上皇驚幾墜所留侍衛纔厓老數十人流力士等於遠方輔國等詣上請罪上曰卿防微杜漸以安社稷何懼也自是上皇日以不懌辟穀成疾上初猶往問安既而但遣人起居寶應元年上皇崩

致堂胡氏曰靈武即位之事玄宗既有傳位之

命則太子非叛也

范氏唐鑑謂肅宗以皇太子

子叛父何以討祿山也其失在玄宗命不亟行而裴冕

諸人急於榮貴是以致此咎也唐高祖睿玄之為上皇非所欲也勢可以釋位而不釋遂至逼迫不見幾故也而太宗明肅不能少待或稱兵或借便皆有奪位之惡欲速見小利故也父不父子不子昧於春秋首惡誅之戒甚矣豈非後世之大鑑歟

又曰內寵嬖豎合而為一人主不悟又委信之其終不至於篡弒逆亂者古無有也肅宗之事亦可以為監矣夫祖考所為賢且德也子孫晞之鮮能及者非賢非德也子孫效之鮮不過焉兩漢而下繼世之君往往柩前即位孰有為天子子親承大寶得問安侍膳舉

四海之養以全其孝盡其樂如唐數君可謂千載一時不可逢之嘉會矣而太宗明皇肅宗之孝道無稱焉豈非自太宗失之歟高祖睿玄晚節末路不免兵甲震驚之禍而玄宗尤酷嗚呼悲夫輔國之言曰陛下當為社稷大計豈得徇匹夫之孝夫孝以奉父母為先然後上及於祖宗今父在也乃困其身怵其心而社稷是安此中人以下所能辨者肅宗不察蓋自馬嵬西行輔國已有是言今又云尔是知肅宗為人可誘以利故也當是白刃脅遷盡去左右之人而居西內上皇辟穀成疾以致殞殞其異於趙武靈王沙丘之禍幾

希矣夫以討賊之故奪父之位其終至於如此使安慶緒史朝義而有知豈不含笑於九泉元結頌唐中興曰盛德曰大業是過譽其始而未知其終也

順宗永貞元年德宗崩即位疾不能視事傳位太子糾稱太上皇憲宗元和元年太上皇崩

憲宗立尊順宗王皇后為皇太后十年崩年五十四穆宗立尊憲宗郭后為皇太后敬宗立尊為太皇太后宣宗立母鄭故侍兒有曩怨帝奉養后禮稍薄后鬱鬱不聊太中二年暴崩

宣宗立尊母鄭妃為皇太后懿宗尊為太皇太后咸通六年崩

敬宗立尊穆宗王后為皇太后文宗時稱寶曆太后太和五年宰相建白以太皇太后與寶曆太后稱號未辨前代詔令不敢斥言皆以宮為稱今寶曆太后居義安殿宜曰義安太后詔可會昌五年崩

文宗立尊母蕭氏為皇太后和中懿安太后居興慶宮憲宗后文宗祖母寶曆太后居義安殿穆宗后敬宗母

居內殿穆宗后文宗母號三宮太后帝每五日問安及歲時慶謁率由複道至南內羣臣及命婦諸宮門候起居有司獻四時新物送三宮亦稱賜帝曰上三官何可言賜遽索筆改賜為奉

按唐自肅宗張后之後未嘗有正位長秋

者史所載皇后皆追贈其太后則皆所生子為帝而奉上尊號者也憲宗以郭汾陽孫女為妃既為令族又有淑德可以正位矣乃以其宗強恐既立之後後宮不得進遂終身為妃自後人主皆不立后然文宗崩既有太子仇士良等廢之而立武宗武宗崩既有皇子諸宦官廢之而立宣宗宣宗崩遺命立夔王王宗實等廢之而立懿宗雖當時中人專橫今古所無然亦因椒房虛位宮闈無主所謂皇子者皆無寵無威之人故上躬彌留之際宰輔既隔在外庭中人遂得以肆行無忌顯違詔旨私立

所厚而莫由禁止也

昭宗為朱全忠所弑哀帝即位尊何后為皇太后徙居積善宮號積善太后帝既禪位后亦遇害後唐莊宗既即位冊尊母曹氏為皇太后而以嫡母劉氏為皇太妃往謝太后太后有慚色太妃曰願吾兒享國無窮使吾獲沒於地以從先君幸矣復何言哉帝既滅梁使人迎太后歸洛居長壽宮而太妃獨留晉陽同光三年五月太妃薨七月太妃薨謚曰貞簡葬坤陵而太妃無謚葬魏縣太妃與太后甚相愛其送太后于洛也涕泣而別太妃既卒太后悲哀不飲食月餘亦崩

愍帝即位冊尊明宗后曹氏為皇太后淑妃王氏

為皇太妃而敬瑭兵犯京師廢帝與太后俱自燔
死晉高祖立遷太妃于至德宮高祖后事妃如母
乃封其所養子許王從益為郟國公以奉唐祀契
丹犯京師召從益與妃德光北歸留蕭翰守汴州
漢高祖起太原翰欲北去乃使人召從益迫以來
令權知南朝事漢高祖擁兵而南妃反從益遣人
迎之既而俱遇害

晉出帝即位尊高祖后李氏為皇太后契丹入汴
北遷歿于虜地建州 安太妃出帝母即位冊為
太妃北遷歿于虜地

漢愍帝即位尊高祖后李氏為皇太后周太祖入
京師舉事皆稱太后詔已而議立湘陰公贇為天

子未至請太后臨朝已入太祖出征軍士擁之以
還太祖請事太后如母於是遷后於太平宮上尊
號曰昭聖皇太后顯德元年春崩

周太祖皇后柴氏無子養后兄守禮之子以為子
是為世宗守禮字克讓以后族拜銀青光祿大夫
檢校吏部尚書兼御史大夫世宗即位加金紫光
祿大夫檢校司空光祿卿致仕居于洛陽終世宗
之世未嘗至京師而左右亦莫敢言第以元舅禮
之守禮頗恣橫嘗殺人于市有司以聞世宗不問
時王溥王晏王彥超韓令仲等同時將相皆有父
在洛陽與守禮朝夕往來惟意所為洛陽人多畏
避之號十阿父守禮卒年七十二官至太傅

歐陽公史論曰父子之恩至矣孟子言舜為天子瞽瞍殺人則棄天下竊負之而逃以謂天下可無舜不可無至公舜可棄天下不可刑其父此為世立言之說也然事固有不得如其意者多矣蓋天子有宗廟社稷之重百官之衛朝廷之嚴其不幸有不得竊而逃則如之何而可予讀周史見守禮殺人世宗寢而不問蓋任天下重矣而子於其父亦至矣故寧受屈法之過以申父子之道其所以合於義者蓋知權也君子之於事擇其輕重而處之耳失刑輕不孝重也刑者所以禁人為非孝者所以教人為善其意一也孰為重刑一

人未必能使下無殺人而殺其父滅天性而絕人道孰為重權其所謂輕重者則天下雖不能弃而父亦不可刑也然則為舜與世宗者宜如何無使瞽瞍守禮至於殺人則可謂孝矣

周恭帝即位尊世宗皇后符氏為皇太后宋太祖既受禪遷居西宮號周太后太平興國初入道為尼淳化四年殂

宋昭憲皇太后杜氏定州安喜人太祖之母帝受禪尊為皇太后建隆二年六月崩

真宗即位尊太宗明德李后為皇太后居西宮嘉慶殿景德元年崩仁宗即位尊真宗莊獻明肅皇

后為皇太后軍國大事權取處分宰相丁謂等請
太后所御殿太后曰皇帝視事當朝夕在側何須
別御一殿於是謂太后與帝五日一御承明殿帝
位在太后位右垂簾決事議已定太后忽出手書
第欲禁中閱章疏遇大事即召對輔臣其謀出於
丁謂非太后意也謂既貶馮拯等三上奏請如初
議始御承明殿有司請制令稱吾以生日為長寧
節出入御大安輦鳴鞭侍衛如乘輿天下皆避太
后父諱羣臣上尊號曰應元崇德仁壽慈聖太后
元日帝率百官上壽謁太廟乘玉輅服袞衣明道
二年崩
天聖二年七月宰臣王欽若等拜表請上皇太后

尊號曰應元崇德仁壽慈聖皇太后命宰臣王曾
撰冊文叅知政事魯宗道書冊寶十一月郊祀禮
畢帝御大安殿受冊百僚稱賀畢甫序班侍中奏
外辦禮儀使奏請發皇太后尊號冊寶皇帝服承
天冠絳紗袍以出殿中監進珪禮儀使與閤門使
前導皇帝隨冊寶降西階內臣主當職掌捧正殿
庭置於東向褥位禮儀使奏請皇帝再拜在位官
皆再拜應行事公卿執事者不拜再拜訖大尉司徒就受冊寶
跪受冊文曰嗣皇帝臣仁宗御名謹再拜稽首言恭
以為天下之母者愛育之功博居域中之大者覆
載之道均乃有飾盛禮以推崇因強名而不顯以

恩則尊親偕極以義則中外一辭表德垂鴻非可
以缺况乎寧保基緒撫攬權綱格萬宇之治平副
輿情之輸戴式隆稱號以播休鑠伏惟皇太后陛
下聰明淑哲淵穆懿恭襲御龍之遐源啓曾沙之
瑞命輔佐先聖輯睦藩房申翊宮朝協敷聞教服
圖史之至戒慕黃老之微言及正官承天居尊治
內勤儉之化式於中闡和平之風被于四表王基
允固睿問載融曩者號弓在辰仍几有命粵以大
寶付于菲躬煢煢哀荒懼罔攸濟寔賴慈蔭以授
洪圖上奉顧託之明俯慰遐邇之望詳錄機務咨
謀政經憲祖宗之舊章屬官師之凝績本乎子物
之惠濟乃守成之業方今蠻夷款服封宇靖安百

度聿修六氣時若肇禋肆類克展上儀享是休嘉
率由保翼故得公卿庶尹藩嶽守臣武旅戎酋緇
黃耆艾咸謂周有思齊之什播于聲歌漢有長樂
之謠垂於竹帛斟酌前訓擬議盛猷允非鴻名莫
揚茂烈綿代曠典自我而著猶且推美而弗有約
已以至謙連袂叩闈露章五請臣等以因人之欲
拜跪於內甫迴冲慮乃徇公言夫含章履順之謂
應元詔訓逮下之謂崇德體仁所以膺壽域之福
宣慈所以隆聖善之懿不勝大願謹與百僚士庶
奉玉冊琮寶上尊號曰應元崇德仁壽慈聖皇太
后伏惟懋協歡心誕膺洪冊承七廟之流祥受九
旻之敷錫擁佑家邦祉祚無極臣

仁宗
御名

誠懽誠抃

稽首頓首謹言又捧寶授司徒如授冊儀皇帝歸
御幄改常服乘輿赴文德殿後幄百官班退並赴
朝堂幕次太尉司徒奉冊寶至文德殿門外幄奉
安文武羣官宗室客使並集於文德殿中書門下
翰林學士兩省御史臺並立於殿階下香案前侍
中奏中巖外辦皇太后服儀天冠袞衣以出奏隆
安之樂行障步障方團扇侍衛垂簾即御座南向
樂止太常卿前導冊案前至殿西階下太常卿以
下各歸位典儀曰再拜在位者皆再拜分班東西
序立吏部侍郎押冊案禮部侍郎押冊弁進至褥
位當御座前訖太尉跪奉冊案稍前中書令讀冊
訖奉冊函北向進至於御座前訖中書令舉冊官俱

降還位太尉降階納烏帶劔訖侍中押寶案司徒
捧寶侍中讀寶並如讀冊之儀畢置於御座前冊
之南訖司徒太尉詣香案前分班東西序立尚宮
詣皇帝御座前奏請皇帝詣皇太后御座前行稱
賀之禮皇帝服鞞袍簾內詣皇太后御座前奏請
再拜訖跪賀曰嗣皇帝臣仁宗言皇太后陛下顯
崇徽號昭渙寰瀛伏惟與天同壽率土不勝欣抃
俛伏興又再拜尚宮詣御座承旨答曰皇帝孝思
至誠貫于天地受茲徽號感慰良深宣答訖皇帝
再拜歸御座幄太尉率文武百僚詣皇太后御座
前稱賀侍中承旨宣答訖在位官俱再拜禮畢奏
隆安之樂皇太后降座還幄次樂止侍中奏解嚴

所司放仗文武百僚並再拜訖退皇帝皇太后還
內應外命婦稱賀皇太后皇帝於內殿在外命婦
及兩京留司官並奉表稱賀

石林葉氏母后加謚自東漢始本朝后謚初
止二字明道中以章獻明肅嘗臨朝特加四
字元豐中慶壽太皇太后上仙章子厚為謚
議請于朝詔以太皇太后功德盛大四字猶
懼未盡始仍故事遂謚慈聖光獻自是宣仁
聖烈與欽聖憲肅皆四字云

章獻太后崩遺詔以皇太妃楊氏為皇太后居宮
中參斷軍國事御史中丞蔡齊白執政以為不可
乃詔勿頒預政遺詔第存后號即所居殿號曰保

慶太后景祐三年崩

英宗即位尊仁宗慈聖光獻皇后為皇太后帝感
疾請權同處分軍國事御內東門小殿聽政帝康
復乃徹簾勅有司崇峻典禮下令稱聖旨神宗立
尊為太皇太后名宮曰慶壽元豐二年崩

神宗立尊英宗宣仁聖烈皇后為皇太后居寶慈
宮哲宗嗣位尊為太皇太后同御延和殿詔書稱
吾以生日為坤成節令天下避后父諱元祐八年
崩

元豐八年三月哲宗即位太皇太后權同聽政三
省樞密院按儀注未釋服已前遇隻日皇帝御迎
陽門日參官並赴起居依例奏事每五日遇隻日

於迎陽門垂簾皇帝坐於簾內之北宰臣執政官
升殿奏事權屏去左右侍衛事有幾速許非時請
對及賜宣召亦許升殿禮部御史臺閣門奏討論
御殿及垂簾儀制每朔望六參皇帝御前殿百官
起居三省樞密院奏事應見謝辭班退各令詣內
東門進榜子皇帝雙日御延和殿垂簾日參官起
居太皇太后移班少西起居皇帝並再拜三省樞
密院奏事三日巳上四拜不舞蹈候祔廟畢起居
如常儀簾前通事以內侍殿下以閣門吏部磨勘
奏舉人垂簾日引應見辭謝臣僚遇朔望參日不
坐並先詣殿門次內東門應擡賜者並門賜從之
是月帝御迎陽門幄殿同太皇太后垂簾宰臣親

王以下合班起居常例分班十六至是合班以閣
門奏請故也四月三省樞密院言續討論垂簾故
事儀注應合告謝臣僚並垂簾日引依閣門見行
儀制從之八月御史中丞黃履言朔望皇帝御前
殿合赴起居官次日赴延和殿垂簾起居從之元
祐元年閏二月右諫議大夫孫覺右諫議蘇轍進
對有旨俟簾下內臣盡出方得敷奏

哲宗立尊神宗欽聖憲肅皇后為皇太后哲宗崩
決策迎立徽宗帝請權同處分軍國事辭帝固請
乃從令外間不避家諱不立誕節名不通使遼國
輔臣不於小殿奏事纔六月即還政明年崩
元符三年正月徽宗即位皇太后權同聽政三省

樞密院聚議故事嘉祐末英宗請慈聖同聽政五月同御內東門小殿垂簾至七月十三日英宗間日御前後殿輔臣奏事退詣內東門簾前覆奏明辛手書還政又故事唯慈聖不立生辰節名不遣使契丹若天聖元豐則御殿垂簾立誕節名遣使與北虜往還及避家諱等會布曰今上長君豈可垂簾聽政請如嘉祐故事施行蔡卞曰天聖元豐與今日皆遺制處分與嘉祐末英宗請聽政不同布曰今日之事雖載於遺制實出自德音又皆長君正與嘉祐事相似既奏得旨並依嘉祐治平故事施行布又謂同列曰奏事先奏太后次覆奏皇帝如今日所得指揮逐為定式皇太后手詔付中

書省曰皇帝踐祚之初勉從勤請非以便當退歸房闈除不御前後殿已指揮外如避家諱等並勿行哲宗立尊生母朱德妃為皇太妃時宣仁欽聖二太后皆居尊故稱號未得極其至元祐三年宣仁詔母以子貴輿蓋仗衛冠服悉侔皇后紹聖中欽聖復即閣建殿改乘車為輿上設行龍出入由宣德門百官上牋稱殿下名所居為聖瑞宮崇寧初崩追尊為皇后

靖康二年二帝北狩金人僭立張邦昌邦昌迎哲宗元祐皇后入禁中垂簾聽政后遣使迎康王降手書播告天下王即位于南京后撤簾上尊后為元祐太后奉迎至行在所以元字犯后祖諱改稱

隆祐太后從上幸維揚幸杭州苗傅劉正彥作亂請后聽政上復辟撤簾建炎三年避狄如虔州紹興元年崩

徽宗既立尊捨宗元符皇后為皇太后殿為崇恩宮政和三年暴崩

徽宗宣和七年十二月上內禪以道君號退居龍德宮皇太子即皇帝位尊道君為太上皇帝靖康元年上皇如南京避狄到鎮江三月虜退命李綱迎上皇于南京十一月京城失守二年二月上皇北狩紹興五年崩于五國城

欽宗既受禪尊徽宗顯肅皇后為太上皇后遷居寧德宮稱寧德太后京城失守從上皇北遷留虜

五年崩

高宗既即位遙尊母章賢妃為宣和皇后紹興十年遙上皇太后冊寶於慈寧殿自後每遇誕日至朔皆遙行賀禮十二年八月自虜中歸至臨安入居慈寧宮二十九年崩

紹興三十二年六月上內禪稱太上皇退處德壽宮八月加上尊號為光堯壽聖太上皇帝乾道七年再加上尊號為光堯壽聖憲天體道太上皇帝淳熙二年再加上尊號為光堯壽聖獻天體道性仁誠德經武緯文太上皇帝是年以聖壽七十行慶壽禮十二年再加紹業興統明謨盛烈八字十三年以聖壽八十行慶壽禮赦天下十四年冬十

月崩

三十一年六月十一日內禪十二日上詣德壽宮
欲以是日率百官朝太上皇於德壽殿以雨百僚
免入見上就宮中行禮自後上詣宮行禮即不集
百官陪十三日詔令宰臣率百官於初二日十六
日詣德壽宮起居又詔朕欲每日一朝德壽宮面奉
慈旨恐廢萬機煩羣下不許如前代朔望之禮太
簡令禮官重定其期禮部請依漢高帝五日一朝
太公故事每五日一詣德壽宮朝見如宮中禮從
之仍詔自今後詣德壽宮惟經過官司起居餘並
免十七日太上宣諭車駕每至宮必於門外降輦
既行家人之禮自宜至殿上降輦又不須五日一

朝只朝朔望於是有司請除朔望朝外於每月初
八日二十二日詣德壽宮起居如宮中儀從之自
後皆遵此制如值雨及盛暑初寒臨期承太上特
旨仍免詣十二月冬至上詣德壽宮稱賀上壽禮
畢入見太后如宮中之儀自後正並同乾道元年二月
朔上詣德壽宮請太上太后至延祥觀燒香次幸
聚景園次幸玉津園太上聖旨日晚免車駕從還
德壽宮臣僚上從駕還內沿路並免起居除管車宮從駕
外執政官以下並免以後或恭請幸南內或幸聚景園玉津
園延祥觀靈隱天竺寺其儀並同
皇帝朝德壽宮儀註
前期儀鸞司設大次于德壽宮門內小次于殿東

廊西向其日俟皇帝出即御座從駕臣僚禁衛等起居如常儀皇帝降御座乘輦將至德壽宮報文武百僚詣宮門外迎駕起居訖前導官太常卿閤門官太上博士禮直官先入詣大次前分左右立定俟皇帝詣德壽宮大次降輦入次御史臺閣門太常寺報文武百僚入詣殿庭北向立定前導官導皇帝入小次簾降俟太上皇帝即御座小次簾捲前導官導皇帝升殿東階詣殿東折檻前奏請拜皇帝再拜訖前導官導皇帝稍前躬奏聖躬萬福訖導皇帝復位又奏請拜皇帝再拜訖導皇帝詣太上皇帝御座之東西向立前導官於殿上隨地之宜少立揖班首以下躬典儀曰拜贊者承傳

曰拜在位官皆再拜訖直身搢笏躬身三舞蹈跪左膝三叩頭出笏就一拜又兩拜拜訖且躬身班首不離位奏聖躬萬福訖典儀曰拜贊者承傳曰拜在位官皆再拜又兩拜拜訖直身立捲班出前導官以次退從駕官歸幕次太上皇帝駕與皇帝從入見太上皇帝后如宮中之儀訖以候皇帝還內如來儀每遇正旦冬至及朔望並依上儀淳熙二年十一月詔太上皇帝聖壽無疆新歲七十用十一月冬至加上尊號冊寶十二月十七日立春行慶壽禮是日早文武百僚並簪花赴文德殿立班聽宣慶壽赦

赦文太極之功不宰其可贊者兩儀之生大明

之照無疆所能推者千載之至欽惟聖父誕保
我家二百餘載而中天定神器於敬側艱虞之
始三十六年而宅位授朕師於康強暇豫之時
上穹綿有永之年下土洽無為之化興言菲質
日侍慈顏竭幅員之富而未足伸至養之誠極
尊美之稱而未足表難名之德茲載新於歲律
庸展慶於耆齡前殿奉卮企高皇而踵武大安
進膳邁貞觀之彌文鏘金奏以充庭儼臣工
而在列和氣遄周於宇宙盛容劄見於古今
仍內奉於母儀庸備殫於子道為酒以戒眉
壽誕膺純嘏之常立春而下寬書更廣庶民

之富可大赦天下於戲建無窮之基則享無窮
之樂命方僕於萬年有非常之事則侈非常之
休恩蓋推於四海矧羣黎百姓夙依於覆育而
耆老大夫咸自於甄陶今而仁壽之同躋必也
安榮之共保諒爾有邦之衆知予錫類之心赦
書日行五百里敢以赦前事言者以其罪罪之
主者施行
宣赦訖從駕官並赴後殿起居謝花再拜從駕至
德壽宮行慶壽禮

陳設

前期儀鸞司陳設德壽宮殿上當中南向設大次
於德壽宮內南向小次於殿東廊西向設皇帝褥

位二一於御座之東西向一於御座之南北向尚
醞設御酒器於御座之東有司又設御茶床於御
座之西俱稍北

上壽

其日後殿入內官喝排立俟催班立定

應從駕應奉官禁衛

壽等並簪花不係從駕官徑赴德壽宮並簪花以俟迎駕起居

閣門報班齊皇帝

服鞞袍出宮門禁衛諸班親從等並迎駕自贊常

起居自贊謝花兩拜

入內省執骨朶使臣迎駕常起居謝花兩拜

皇帝

坐知閣門以下御帶環衛官諸司祇應官等一班

闔班宣名常起居次贊謝花兩拜訖知閣門官升

殿讀奏目

餘官並退

次舍人引應從駕官一班赴當殿

宣名常起居次贊謝花兩拜

執政有奏事如儀皇太子內中起居簪花

以俟從駕

次管軍一班宣名常起居次贊謝花兩拜訖

皇帝升輦將至德壽宮文武百僚迎駕常起居贊

謝花兩拜訖前導太常卿閣門官太常博士禮直

官并管軍御帶環衛官等詣大次前分左右立文

武百僚入詣德壽殿下東西相向立俟皇帝至大

次降輦入次簾降簪花服鞞袍閣門御史臺太常

寺分引皇太子以下應從駕官入詣德壽殿下東

西相向立大次簾捲前導官前導皇帝入小次簾

降

前導太常卿閣門官太常博士禮直官并管軍御帶環衛官等俟太上皇帝出宮迎太上皇帝

起拜太上皇帝出宮行門禁衛諸班親從等迎太

上皇帝自贊常起居太上皇帝升御座鳴鞭小次

簾捲前導官前導皇帝升殿東階詣殿上折檻前

北向褥位奏請拜皇帝再拜訖躬奏聖躬萬福訖
又奏請拜皇帝再拜訖前導皇帝詣太上皇帝御
座之東褥位西向立前導官於殿上隨地之宜立
閣門御史臺太常寺分引皇太子并文武百僚並
橫行北向立舍人揖皇太子以下躬典儀曰拜贊
者承傳在位官皆再拜搢笏舞蹈又再拜訖且躬
身班首不離位奏聖躬萬福訖典儀曰拜贊者承
傳在位官皆再拜訖直身立分東西相向立禮直
官引奉盤盞參知政事受盤盞參知政事承旨宣
答簽書樞密院事奏禮畢戶部尚書殿中監少監
升殿東階奉盤盞參知政事受盤盞參知政事殿
簽書樞密院事并奏禮畢戶部尚書殿中監少監
部尚書詣折檻之東西向立舍人通樂人姓名已

下四拜起居次看盞人稍前贊拜兩拜贊上殿祇
候內侍進御茶床殿侍酌酒訖尚醞典御以盤盞
酒注授殿中監少監次禮直官引奉盤盞參知政
事詣酒樽所北向搢笏殿中監奉盤盞參知政事
捧盤盞西向立殿中監啓盞殿中少監以酒注于
盞奉盤盞參知政事奉酒詣皇帝前北向禮直官
盞參知政事詣太上皇帝御座前閣門御史臺太常寺分引
皇太子并文武百僚橫行北向立俟奉盤盞參知
政事躬進皇帝皇帝奉酒詣太上皇帝御座前躬
進訖少後受盤盞參知政事躬接訖復授奉盤盞
參知政事前導官導皇帝詣御座前褥位北向俛
伏跪殿下皇太子并百僚並躬身皇帝致詞曰皇

帝臣

御

稽首言天祐君親錫茲難老維春之吉年

德加新臣

御

與羣臣等不勝大慶謹上千萬歲壽

伏興奏請拜皇帝再拜典儀曰拜贊者承傳在位

官皆再拜訖直身立分東西相向立前導官導皇

帝詣御座東西相向立奉盤盞參知政事以盤北

向躬進皇帝訖

奉盤

盞參知

復位

立皇帝捧盤詣御坐東

西向立樂作俟太上皇帝飲酒訖皇帝躬接盞樂

止少後受盤盞參知政事躬接訖以授尚醞典御

各復位立閣門御史臺太常寺分引皇太子并文

武百僚橫行北向立前導官導皇帝詣褥位北向

奏請拜皇帝再拜典儀曰拜贊者承傳在位官皆

再拜訖直身立前導官導皇帝詣御座之東褥位

西向立舍人揖皇太子已下躬典儀曰拜贊者承

傳在位官皆再拜搢笏舞蹈又再拜訖直身立內

侍舉御茶床禮直官引戶部尚書詣御座前北向

俛伏跪奏具官臣某言禮畢伏興退復位立典儀

曰拜贊者承傳在位官皆再拜訖直身立分相向

立次舍人贊樂人謝祇應兩拜訖太上皇帝駕興

皇帝從入宮文武百僚前導應奉官等以次退皇

帝皇太子入賀太上皇后於宮中行禮執政率文

武百僚拜牋賀太上皇后訖以俟駕興從駕并應

奉官禁衛等並簪花從駕還內

建炎以來朝野雜記昭慈聖獻皇后之在建

康也有司月奉千緡而止后生辰別奉緡錢

萬時朝廷用度不給故其禮不及承平時其

後顯仁后自此來歸歲奉錢二十萬緡月奉

冬至寒食帛二萬餘匹生辰倍之冬各三千匹綾羅二

匹冬綿五千兩酒百一斗羊三牽高宗在德

壽宮孝宗命有司月供十萬緡高宗以養兵

多費詔減其六萬及孝宗在重華命月進三

萬緡而已上受禪詔太皇太后月奉緡錢二

萬皇太后萬三千上皇太后五萬而重華別

給二萬焉

右光堯之壽社壽皇之孝養古今罕儷故

具載其事于此

孝宗既受禪尊憲聖皇后為皇太后居德壽宮上

尊號曰壽聖太上皇后每遇誕節上詣宮上壽至

朔望朝上皇畢入見后如宮中之儀乾道七年加

壽聖慈明尊號淳熙二年以上皇慶壽禮又加號

壽聖齊明廣慈十年后年七十行慶壽禮十三年

加尊號備德二字上皇崩遺詔改稱皇太后上欲

迎還大内太后以上皇几筵在德壽宮不許因築

本殿名慈福光宗即位后當為太皇太后以壽皇

故更號曰壽聖皇太后紹熙四年慶壽八十加號

隆慈備福孝宗崩始稱太皇太后光宗疾不能行

喪禮宰臣請后於壽皇梓宮前垂簾宣光宗手批

立寧宗慶元元年加尊號光祐二字二年遷居重

華宮易名曰慈福三年崩

容齋洪氏隨筆曰唐德宗即位訪求其母沈太后歷順宗及憲宗時曾祖母故稱為曾太皇太后蓋別於祖母也舊新二唐書紀皆載之今慈福太皇太后在壽康太上時已加尊稱若於主上則為曾祖母當用唐故事加曾字向者嘗已告宰相而省吏以為典故所無天子逮事三世安得有前比亦可謂不知禮矣又嗣濮王士歆在隆興為從叔祖在紹熙為曾叔祖慶元為高叔祖矣而仍稱皇叔祖如故士歆視嗣秀王伯圭為從祖今圭稱皇伯祖而歆但為皇叔祖乃是弟爾禮寺亦以為國朝以來無稱曾高者彼蓋不知累朝尊屬

元未之有也

淳熙十六年二月內上禪皇太子即位移御重華宮上尊號曰至尊壽皇聖帝至紹熙五年崩

光宗既受禪上成肅皇后尊號曰壽成皇后孝宗崩上皇太后尊號

慶元初加號惠慈嘉泰二年上太皇太后尊號

紹熙五年六月壽皇崩光宗以疾不能行喪禮七

月憲聖太皇太后命皇子嘉王即皇帝位尊光宗

為太上皇居泰安宮

曰聖安壽仁六年崩

寧宗既即位尊慈懿皇后為皇太后退居壽康宮

慈寧殿上尊號曰壽仁慶元六年崩

是為青陽當是誤也謂二人皆黃帝子並列其名

所以前史因誤以玄囂青陽一人耳宋衷又云玄

囂是為青陽少昊繼黃帝立者而史不叙蓋少

昊以金德王非五運之次故叙五帝不數之也青

陽降居江水其二曰昌意降居若水子降下也言帝

居江水江若國也昌意娶蜀山氏女曰昌僕生

高陽高陽有聖德焉正義曰華陽國志及十三州

黃帝與子昌意娶蜀山氏後子孫因封焉帝顓頊

高陽氏黃帝之孫昌意之子母曰昌僕亦謂之女

幽房之宮生顓頊首戴干戈有德文也

帝嚳有四妃卜其子皆有天下元妃有台氏女曰

姜嫄生后稷次妃有娥氏女曰簡狄生高次妃陳

豐氏女曰慶都生放勳次妃娶訾氏女曰常羲生

帝摯帝嚳崩帝摯代立摯在位九年政

微弱弟唐侯放勳德盛乃禪位焉

唐堯娶散宜氏之女曰女皇生丹朱又有庶子九

人皆不肖

虞舜娶堯之二女長娥皇次女英舜升天子娥皇

為后女英為妃娥皇無子女英生商均

夏禹娶塗山氏之女生啓

商湯妃有莘氏之女

周太王娶有台氏之女曰太姜

詩古公亶父來朝走馬率西水滸至于岐下爰

及姜女聿來胥宇

王季娶摯任氏之中女正義曰國語之華曷二國

之家太任王季詩摯仲氏任自彼殷商來嫁于周曰嬪于京乃

及王季維德之行大任有身生此文王

思齊大任文王之母思媚周姜京室之婦

也周姜太姜也京周地也常思莊敬太任也乃
為之王之母又常思愛太姜之配大王之禮故
能為京室之婦言其德
行純備故生聖子也

列女傳太姜大王娶之以為妃生太伯仲雍王

季太姜有色而貞順率導諸子至於成童靡有

過失太王謀事必於太姜遷徙必與太任王季

娶之以為妃太任之性端壹誠莊維德之行及

其有身目不視惡色耳不聽淫聲口不出傲言

能以胎教子而生文王此皆有賢行也

文王娶有莘氏之長女曰太妣

詩文王初載天作之合在洽之陽在渭之涘文

王嘉止大邦有子大邦有子倪天之妹倪譬也
知太妣

之賢而尊之如
天之有女弟文定厥祥問名之後卜而得吉
則文王以禮定其吉

祥語納
幣也親迎于渭造舟為梁不顯其光不明乎
其禮之

有光輝美之也天子造舟
周制也殷時未有此等制有命自天命此文王

于周于京纘女于莘長子于行天將命文王君
天下於周京之

地故亦為作合使繼太任之女事於莘
國之長女太妣則配文王維德之行篤生武

王保祐命爾變伐大商變和也謂協
和代殷之事太妣嗣徽

音則百斯男太妣十子衆妾則宜百子也
徽美也嗣太任之美音謂續行其

善教惠于宗工神罔時怨神罔時恫宗公宗神
也惠順也

刑于寡妻至于兄弟以御于家邦刑法也寡妻
適妻也寡妻

武王娶邑姜服虞曰邑姜武王
后太公之女也

論語武王曰予有亂臣十人十人謂周公旦召
公奭太公望畢公

榮公太顛闕天散宜生南宮適其一一人謂文母
劉侍讀以為子無臣母之義蓋邑姜也九人治
外邑姜治也孔子曰才難不其然乎唐虞之際於
斯為盛有婦人焉九人而已

史記武王與叔虞母會時夢天謂武王曰余命

女生子名虞余與之唐及生子文在其手曰虞

故命之曰虞

曲禮天子有后有夫人有世婦有嬪有妻有妾

妻八十一御妻周禮謂之女御以其御序於王之
燕妾賤者○疏夫扶也扶持於王婦服也言其進
以服事君子也以美稱可賓敬也妻之言齊也言
世胤也嬪婦人之美稱可賓敬也妻之言齊也言
進御於王之時暫有齊同之義妾之言接也聞彼
有禮走而往焉以得接見於君子也周禮則嬪在
世婦止又無妾之文也今比所陳與周禮雜而不
次者記者之無妄之或雜夏殷而言之鄭注檀弓云舜
不告而娶不立正妃但三夫人夏則九嬪也故鄭
九女則十二人所增九女者則九嬪也故鄭云春

秋說云天子娶十二人所謂二七世婦也周又三

二七人總三十九人所謂二七世婦也周又三

賤者正義曰解周名為女御之義以其御於王之

燕寢御女案周禮王有六寢一是在東北王春居之

通為燕寢其一在東北王春居之一在西北王冬

居之中央六月居之凡后妃以下更為次序而上御

在中央六月居之凡后妃以下更為次序而上御

法於五寢之中也故鄭注周禮九嬪云凡御見之

一月與后妃其眾也早者宜先尊者宜後女御八

當一夫人當一夕后當一夕亦十五九嬪九人

云自望後反之婦人當一夕后當一夕亦十五九嬪九人

環以進退之著左手既御著於右手事無小大記以

成法昏義古者后立六宮三夫人九嬪二十七世婦八

十一御妻以聽天下之內治以明章婦順故天下

內和而家理天子立六宮三公九卿二十七大夫

王之後來朝觀為賓客者裸之禮亞王而禮賓獻
謂王享燕亞王獻賓也瑤爵所以亞王酬賓也坊
記曰陽侯殺穆侯而竊其體致后之賓客之禮
夫入故太饗廢夫入之體
朝觀及女凡喪事佐后使治外內命婦正其服位
賓之賓客凡喪事佐后使治外內命婦正其服位
使使其屬之上士內命婦謂九嬪世婦女御鄭司
農云外命婦卿大夫之妻王命其夫后命其婦玄
謂士妻亦凡建國佐后立市設其次置其叙正其
肆陳其貨賄出其度量淳制祭之以陰禮市朝者
建國也建國者必面朝後市王立朝而後立市陰
陽相承之義次司也叙介次也陳猶處也立市陰
尺也量豆區之屬鄭司農云佐后立市者始立市
也故書淳為祭之陰禮者市中之社先后所立社
謂匹長玄謂純制天子春讀敦為純純謂幅廣也制
純四與陰禮婦人之祭祀○中春詔后帥內外
命婦始蠶于北郊以為祭服蠶于北郊婦人以純
蠶室馬○歲終則會內人之稍食稽其功事
中音仲

九佐后而受獻功者比其小大與其麗良而賞罰
御九佐后而受獻功者比其小大與其麗良而賞罰
之獻功者九御之屬鄭司農云蒸而會內宮之財
用計夫人以正歲均其稍食施行功事憲禁令于
王之北宮而糾其守後均猶調度也施猶賦也北宮
王言之明用王之禁上春詔王后帥六宮之人而
令言之守宿衛者上春詔王后帥六宮之人而
生種稑之種而獻之于王居后之六宮者古者使
后宮藏種以不傷敗且以佐王耕事共禱郊也鄭司
能育之使不傷敗且以佐王耕事共禱郊也鄭司
農云先種後熟曰黍稷稷先熟曰稑王當以耕種
于籍田玄謂後詩云黍稷稷先熟曰稑王當以耕種
其籍田玄謂後詩云黍稷稷先熟曰稑王當以耕種
其餘九嬪三人世婦九嬪一人女御二十七人從後唯
其所燕息焉從后者五日而沐浴其次又上
十五日而編云夫入如三公從容論婦禮
內宰下大夫二人上士四人中士八人府四人
史八人胥八人徒八十人內宰宮中官之長○
數內宰對太宰治百

官內宰治婦人之事故名內宰大宰不稱外者謂兼統內

九嬪掌婦學之法以教九御婦德婦言婦容婦功

各帥其屬而以時御叙于王所謂婦德謂貞順婦言

婦功謂絲枲自九嬪以下九九而御於王所九嬪

者既習於四事又備於從人之道是以教女御也

教各率其屬者使亦九九相與從於王所息之燕

寢御猶進也勸也進勸王息亦相次叙○群妃御

見禮注凡祭祀贊玉盞贊后薦徹豆籩受王盞王敦

為王也杜子春讀為王若有賓客則從后后當贊大

喪率叙哭者亦如之亦從治帥猶道也后世婦掌

祭祀賓客喪紀之事帥女宮而濯摝為齊盛摝為

猶差擇○疏祭祀黍稷春人春之饌人炊之及祭

皆不使世婦此為非春非炊是差擇曉然矣

之日涖陳女宮之具凡內羞之物涖臨也內羞

吊臨于卿大夫之喪王使之

女御掌御叙于王之燕寢言掌御叙防上之專妬

就后宮息○疏掌御叙不使九嬪世婦掌之

者謂在上妬嫉自專之事女御官早不敢也

以歲時獻功事絲枲成凡祭祀贊世婦助其帥大

喪掌沐浴王及后后之喪持翬翬飾也持從世

婦而吊於卿大夫之喪從之數蓋如

鄭氏曰不列夫人于此官者夫人之於后猶

三公之於王坐而論婦禮無官職世婦不言

數者君子不苟於色有婦德者充之無則闕

女御昏義所謂御妻御猶進也待也

天子聘女納徵加穀珪鄭玄云納徵加於東帛賈

東帛天子加魯桓公八年祭公來遂逆王后于紀

以穀珪也

公羊傳祭公者何天子之三公也何以不稱使

公據宰周使稱使也婚禮不稱主人有時王者母也遂者何生事也

生猶造也大夫無遂事此其言遂何然後待君命

也夫成使乎我也使乎我使所吏反其成使乎我

柰何使我為媒可則因用是往逆矣婚禮成於

問名納吉納徵請期然後親迎之時王遣祭公

來使魯為媒可則因用魯往迎之不復成禮疾

海內何哉故譏之不言如紀者辭有外文將謂

在其國稱女此其稱王后何王者無外其辭成

九年春紀季姜歸于京師

公羊傳其辭成矣則其稱紀季姜何自我言紀

父母之於子雖為天王后猶曰吾季姜明子尊不加於

父母

襄公十五年劉夏逆王后于齊

命卿故書名天子無外所子劉采地夏名也天

左氏傳十二年靈王求后于齊齊侯問對於晏

桓子桓子對曰先王之禮辭有之天子求后於

諸侯諸侯對曰夫婦所生若而人不敢譽亦不

而妾婦之子若而入適也無女而有姊妹及姑

姊妹則曰先守某公之遺女若而入齊侯許昏

王使陰里結之陰里周大夫十五年官師從單靖

公逆王后于齊卿不行非禮也子官師劉夏也天

劉夏獨過魯告昏故不書單靖公天子不親

通典說曰禮記昏義云婚禮者將合二姓之

好上以事宗廟下以繼後代也故君子重之
共牢而食合卺而醕所以合禮同尊卑而親
之成男女之別立夫婦之義而後父子親君
臣正故曰婚禮者禮之本公也羊說天子至
庶人皆親迎左氏說王者至尊無敵體之義
不親迎鄭玄駁之曰文王親迎于渭則天子
敵迎也天子雖尊然夫婦無判禮同一體所
謂無敵豈施於此按禮記哀公問曰冕而親
迎不亦重乎孔子對曰合二姓之好以繼先
聖之後以為天地宗廟社稷之主君何謂已
重乎此言繼先聖之後以為天地之主非天子
則誰乎是鄭以天子當親迎也杜元凱以為

天子不親迎按春秋祭公逆王后于紀傳曰
禮也劉夏逆王后譏卿不行皆不譏王不親
行明是天子不當親迎也文王之迎太姒身
為公子迎在殷代未可擬此以為天子之禮
孔子之對哀公自論魯國之法魯以周公之
後得郊祀上帝故以先聖天地為言耳非說
天子之禮

漢興因秦之稱號帝母稱皇太后祖母稱太皇太

后適稱皇后師古曰適讀曰嫡后亦君也天曰皇

取象妾皆稱夫人又有美人良人八子七子長使

少使之號焉師古曰良善也八七祿秩之至武帝

制婕妤娥倖充依各有爵位師古曰婕言接

稱也。姪，皆美貌也。俗，俸猶言奔，音接，好音予，字也。充，依言充後庭而依秩序也。使，音接，好音予，字也。從女，其音同耳。姪，而元帝加昭儀之號，昭顯其音五經反，俗音容。

位視丞相爵比諸侯王婕妤視上卿比列侯姪娥。重也。凡十四等云。以下至秩百石十四等。昭儀，儀亦隆。

視中二千石比關內侯。千石也。中二千石，實得二百八十斛，是為一歲。凡得二千石，一俗儀視真二千石比太上造。師古曰：真二千石，月得百五十斛，一歲凡得

等美人視二千石比少上造。師古曰：二千石，月得百五十斛，一歲凡得

少上造，第四百五十石耳。八子視千石比中更。師古曰：中更，第十爵，反其下亦同。公充依視千石比左更。師古曰：左更，第十爵，反其下亦同。

七百石比右庶長。師古曰：右庶長，第十一爵。良人視八百石比左庶長。師古曰：左庶長，第十爵。長使視六百石比

五大夫。師古曰：五大夫，第九爵。少長視四百石比公乘。師古曰：公乘，第八爵。五官視三百石。亦象外之五官所掌。順常視二

百石無涓共和娛靈保林良使夜者皆視百石。師古曰：涓，絮也。無涓，言無所不絮也。共，讀曰恭。言恭順而和柔也。娛，靈可娛，樂情靈也。保安也。保林，言其可安眾如林也。良使，使令之善。上家人，子中家人也。夜者，主職夜事，令力成反。

子視有秩斗食云。師古曰：家人子者，言采擇良家人也。斗食，謂佐史也。謂之斗食者，五官以下葬司

馬門外。司馬度門之外。陵上。

高祖呂皇后名雉，單父人。高祖微時，后父呂公相而異之。妻以后生，惠帝魯元公主。高祖為漢王元年，封呂公為臨泗侯。高祖崩，孝惠立，尊后為皇太后。

后

后

后

應歷代后之推尊為皇太后太妃者自推尊
以後至崩葬事跡並見太后門此不具錄後
同

殺 戚姬定陶人愛幸生趙王如意高祖崩為呂后所

薄姬吳人初在魏王豹宮中豹亡輸織室高祖幸
之生文帝自有子後希見文帝封代王從之代

帝既立尊為皇太后
孝惠張皇后宣平侯敖之女母魯元公主呂太后

欲為重親故以魯元女配帝為皇后無子惠帝崩
皇太后取後宮子立為帝太后崩大臣誅諸呂及

所名孝惠子張后廢處北宮北宮在未孝文後元

卒薨葬安陵不起墳

惠帝納后納采鴈璧乘馬束帛聘黃金二萬斤

馬十二匹

呂氏為惠帝娶魯元公主女故特優其禮

先公曰魯元婿其弟而不知帝之為人主也

惠帝妻其甥而不知妻之為王后也太上者
民之父母如此豈可以奉神靈之統哉蓋人

倫顛倒而君道陵夷甚矣

孝文竇皇后觀津人呂太后時以良家子選入宮

太后出宮人賜諸王各三人竇姬與至代代王幸

之生女嫖及景帝代王王后卒及入為帝立啓為

太子竇姬為皇后景帝立尊為皇太后

孝景薄皇后孝文薄太后家女也景帝為太子時

太后取為太子妃景帝立之為皇后無寵立六年
薄太后崩坐廢廢後四年薨葬長安城東平望亭
南

孝景王皇后槐里人初嫁為金王孫婦母臧氏奪
之金以納太子宫景帝為太子愛幸之生三女及
武帝景帝即位廢薄皇后及太子為臨江王乃立
王夫人為后男為太子封后父信為蓋侯武帝即
位尊為皇太后

孝武陳皇后長公主嫖女父陳午武帝得立為太
子長主有力乃取主女為妃及帝即位為皇后十
餘年無子元光五年坐巫蠱廢居長門宮後十餘
年薨葬霸陵郎官亭東

孝武衛皇后字子夫生微為平陽主謳者帝悅之
納宮中元朔元年生男擡遂立皇后擡為太子立
二十八年遭巫蠱事起太子誅江充發兵敗收后
璽綬自殺宣帝立改葬謚思后

孝武李夫人本以倡進兄延年納之宮中得幸生
昌邑哀王夫人早卒上怜之以后禮葬及衛思好
廢後四年武帝崩大將軍光緣上雅意以李夫人
配食追上尊號曰孝武皇后

孝武鉤弋趙婕妤河間人武帝巡狩過河間望氣
者言有奇女乃使使召之得幸為婕妤居鉤弋宮
生昭帝後從幸甘泉以譴死昭帝立追尊為皇太
后

孝昭上官皇后祖桀父安隴西上邽人孝昭立召
入宮為婕妤月餘立為皇后年甫六歲立十歲而
昭帝崩昌邑王即位尊為皇太后時年方十四歲
衛太子史良娣宣帝祖母太子有妃有良娣有孺
子妻妾凡三等子皆稱皇孫史良娣家魯國元鼎
四年入為良娣生男號史皇孫武帝末巫蠱事起
衛太子及良娣史皇孫皆遭害宣帝即位追尊為
戾后起園邑史氏侯者四人
史皇孫王夫人宣帝母名翁須大始中得幸於史
皇孫皇孫妻妾無號位皆稱家人子征和二年生
宣帝帝生數月衛太子皇孫敗家人子皆坐誅莫
有收葬者宣帝即位後追尊為悼后起園邑王氏

侯者二人

孝宣許皇后父廣漢昌邑人宣帝養於掖庭號皇
曾孫廣漢以女妻之生元帝數月宣帝即位立為
皇后廣漢封昌成君明年為淳于衍所毒崩在位
三年謚恭哀皇后葬杜南是為杜陵南園
孝宣霍皇后大將軍光女許后崩光納之宮中立
為后立五年霍顯與子謀反誅坐廢處昭臺宮後
十二歲徙雲林館乃自殺葬昆吾亭東
孝宣王皇后父奉光長陵人宣帝即位入宮為婕
妤帝怜太子蚤失母幾為霍氏所害乃選後宮素
謹慎無子者立王婕妤為后令母養皇太子立十
六年宣帝崩元帝即位為皇太后

孝元王皇后名政君父禁居長安為廷尉吏宣帝時入掖庭為家人子歲餘宣帝令送太子宮見丙殿壹幸有身生成帝為皇孫元帝即位以妃為婕妤後三年立為皇后成帝立為皇太后

孝成許皇后平恩侯嘉女元帝悼母恭哀后遭霍氏之禍故選佳女配皇太子成帝即位立為皇后立十四年寵衰坐妒為媚道祝詛廢處昭臺宮後九年坐淳于長等與后妒嬖通書有諄謾賜藥自殺葬延陵交道廐西

孝成班婕妤帝初即位選入後宮始為少使俄大幸為婕妤居增成舍有男後失之鴻嘉三年趙飛燕告許后及班婕妤挾媚道祝詛后坐廢婕妤入求共養太后長信宮至成帝崩婕妤充奉園陵薨因葬園中

孝成趙皇后本長安宮人

師古曰本宮入以賜陽阿主家也宮人者省中

阿主家學歌舞號曰飛燕以其體輕故也成帝見而悅之

召入宮大幸有女弟後召入俱為婕妤許后廢乃

立飛燕為皇后而女弟為昭儀姊弟專寵十餘年

無子成帝暴崩民間歸咎趙昭儀皇太后詔問皇

帝起居發病狀昭儀自殺哀帝立尊趙皇后為皇

太后

孝元傅昭儀哀帝祖母父河內温人昭儀少為上官太后才入自元帝為太子得進幸帝即位立為

捷仔甚有寵生一男一女男為定陶恭王帝既重
傅捷仔及馮捷仔亦幸生中山孝王上欲殊之為
後宮以二人皆有子為王上尚在未得稱太后乃
更號曰昭儀賜以印綬在捷仔上昭其儀尊之也
至成哀時趙昭儀董昭儀皆無子猶稱焉元帝崩
隨王歸國稱定陶太后恭王薨子入為漢嗣為哀
帝尊為恭皇太后

定陶丁姬哀帝母山陽瑕丘人恭王時姬為後宮
生哀帝帝入嗣漢即位尊為帝太后

孝哀傅皇后定陶太后從弟子哀帝為王時傅太
后欲重親取以配王王入為漢太子傅氏為妃即
位立為皇后哀帝崩王莽奏徙桂宮後月復與孝

成趙后俱廢為庶人就其園自殺

孝元馮昭儀平帝祖母元帝即位二年以選入後
宮生男為中山孝王元帝崩隨王之國哀帝立傅
太后以素怨誣以罪自殺

中山衛姬平帝母成帝時中山孝王無子上以衛
氏子豪少女配孝王生平帝孝王薨代為王哀帝
崩無子大皇太后詔迎中山王立為帝王莽欲顛
權懲丁傅行事乃令帝母御姬及外家不得至京
師更立宗室挑鄉侯子成都為中山王奉孝王後
賜衛姬璽綬拜為中山孝王后加湯沐邑後以事
誅衛氏支屬唯后在莽篡位廢為家人歲餘卒
孝平王皇后安漢公王莽女平帝即位莽以女配

帝以禮迎立為皇后歲餘平帝崩莽立孝宣玄孫
嬰為孺子尊后為皇太后莽篡以嬰為定安公改
后為定安公太后時年十八自劉氏廢每稱疾不
朝會莽敬悼哀傷欲嫁之更號為黃皇室主若漢
主后怒發疾不肯起莽不能強漢兵誅莽后赴火
而死

王莽納女為后以固權遣宗正劉宏尚書令平
晏納采太師孔光大司徒馬宮等四十九人賜
皮弁素積皮弁鹿皮為冠也素積以十以禮雜
卜筮太牢告宗廟封后父百里尊而不臣有司
奏故事聘皇后黃金二萬斤為錢一萬萬莽深
辭讓受四千萬而以其三千三百萬予十一媵

家有詔復益二千三百萬合為三千萬莽復以
其千萬分子九族貧者遣甄豐奉璽綬拜帝母
衛姬為中山孝王后四年春遣大司徒宮等奉
乘輿法駕迎皇后于安漢公第授皇后璽紱顏

古曰紱所繫璽登車稱警蹕便時取日時上臨延壽

門入未央宮前殿羣臣就位行禮大赦天下益
封安漢公地滿百里賜迎皇后及行禮者三公
以下宰執皆增秩賜金帛各有差皇后立三月
以禮見高廟尊父號曰宰衡位在諸侯王上

班固贊曰易著吉凶而言謙盈之効天地鬼
神至于人道靡不同之夫女寵之興繇至微
而體至尊窮富貴而不以功此固道家所畏

禍福之宗也序自漢興終於孝平外戚後庭
色寵著聞二十有餘人然其保位全家者唯
文景武帝太后及邛成后四人而已至如史
良娣王悼后許恭哀后身皆夭折不幸而家
依託舊恩不敢縱恣是以能全其餘大者夷
滅小者放流烏呼鑒茲行事變亦備矣

東漢皇后紀叙論秦并天下多自驕大宮備七國

史記始皇破六國寫其宮室作之咸陽北阪上南臨渭水殿屋複道周閣相屬所得諸侯美人以充入之并爵列八品前書曰漢興因秦之稱號正秦為七也爵列八品前書曰漢興因秦之稱號正
美人良人八子七號漢興因循其號而婦制莫釐釐理
高祖帷薄不修大戴禮曰大臣坐汚穢男女無別者不曰汚穢曰唯薄不修謂周昌
孝文衽席無辯鄭玄注禮記曰衽
威姬是不修也八奏事高帝權孝文衽席無辯鄭玄注禮記曰衽

夫入每與皇后然而選納尚簡飾翫少華自武元

之後世增淫費至乃掖庭三千增級十四使仔一

容華三充衣四已上武帝置昭儀五元帝置美人

六良人七七子八八子九長使十使十一五官

十二順常十三無涓共和娛靈保林良妖幸毀政

之符外姻亂邦之迹前史載之詳矣及光武中興

斷彫為朴六宮稱號唯皇后貴人貴人金印紫綬

奉不過粟數十斛又置美人宮人采女三等並無

爵秩歲時賞賜充給而已漢法常因八月筭人漢

注曰八月初為遣中大夫與掖庭丞及相上於洛

陽鄉中閱視良家童女年十三以上二十以下姿

色端麗合法相者載還後宮擇視可否乃用登御

所以明慎聘納詳求淑哲明帝聿遵先旨宮教頗

修登建嬪后必先令德內無出閫之言權無私溺
之授可謂矯其敝矣向使因設外戚之禁編著甲
令改正后妃之制貽厥方來豈不休哉雖御已有
度而防間未篤故孝章以下漸用色授恩隆好合
遂亡緇蠹緇蠹以喻傾敗也云云見太故考列行跡
以為皇后本紀雖成敗事異而同歸正號者並列
于篇其以私恩追尊非當時所奉者則隨事附出
謂安帝母左姬及祖母宋貴人之類並見清河孝王傳親屬外事各依列傳
其餘無所見則係之此紀謂賈貴人之類是以續西京外戚云爾

光武郭皇后諱聖通真定橐人更始二年光武擊
王郎至真定納后有寵即位以為貴人建武二年

立為皇后十七年以寵衰怨懟廢為中山王太后
后中山王二十年中山王徙封沛王后為沛太后
二十八年薨葬北芒

按西都廢后如薄如陳如霍如許皆幽之
別宮至光武郭后則以有子為王故得隨
子之國然帝在而稱太后非名也

光烈陰皇后名麗華南陽新野人更始元年帝納
后於宛即位封貴人生顯宗十七年廢皇后郭氏
而立貴人制詔三公曰皇后懷執怨懟數違教令
不能撫循它子訓長異室宮闈之內若見鷹鷂既
無關雎之德而有呂霍之風豈可託以孤幼恭承
明祀其上皇后璽綬陰貴人鄉里良家歸自微賤

自我不見于今三年宜奉宗廟為天下母主者詳
按舊典時上尊號異常之事非國休福不得上壽
稱慶顯宗即位尊為皇太后

明德馬皇后伏波將軍援之小女世祖時選入太
子宮顯宗即位以為貴人永平三年立為皇后肅
宗即位尊為皇太后

賈貴人南陽人建武末選入太子宮生肅宗為貴
人帝既為明德后所養專以馬氏為外家故貴人
不登極位及太后崩乃冊書加貴人王赤綬諸侯

也章德竇皇后扶風平陵人大司徒融之曾孫以選
入掖庭建初三年立為皇后和帝立尊為皇太后

梁貴人梁竦女建初中入掖庭生和帝竇后以為
己子忌梁氏誅竦貴人以憂卒竇后崩上尊號曰
恭懷皇后追服喪服葬西陵

和帝陰皇后光烈皇后兄執金吾識之曾孫永元
四年選入掖庭為貴人八年立為后十四年坐祝
詛事廢遷桐宮以憂卒立七年葬臨平亭部

和熹鄧皇后名綏太傅禹之孫永光八年入掖庭
為貴人十四年陰后廢立為皇后帝崩殤帝立尊
為皇太后

安思閻皇后名姬河內滎陽人元初元年以選入
掖庭為貴人二年立為皇后譖皇子保廢之帝崩
立北鄉侯懿尊為皇太后

安帝宮人李氏生皇子保閭后專房妬忌鴆殺李氏譖廢保為濟陰王安帝崩立北鄉侯懿懿卒中黃門孫程等迎保立之為順帝遷閭太后於離宮后崩上李氏尊號曰恭愍皇后葬恭北陵為策書金匱藏于世祖廟

順烈梁皇后名姁音納納娶也大將軍商之女永建三年入掖庭為貴人陽嘉元年立為皇后順帝崩冲帝立尊為皇太后

虞美人以良家子選入掖庭生冲帝帝早夭大將軍梁冀秉政忌惡他族故抑而不登但稱大家而已陳夫人魏郡人少以聲技入孝王宮得幸生質帝亦以梁氏故榮寵不及熹平四年小黃門趙祐

等言春秋之義母以子貴今冲帝母虞大家質帝母陳夫人皆誕聖皇而未有稱號夫臣子雖賤尚宥追贈之典况二母見在不蒙崇顯之次無以述尊先世垂示後世也帝感其言乃拜虞大家為憲陵貴人陳夫人為渤海孝王妃孝王名鴻使中常侍持節授印綬遣太常以三牲告憲陵懷陵静陵焉懷陵冲帝陵静陵質帝陵

桓帝懿獻梁皇后名女瑩順烈皇后之女弟帝立迎立為皇后皇太后崩恩愛稍衰延熹三年以恚崩在位十三年葬懿陵其歲誅梁冀廢懿陵為貴人冢

帝既立明年有司奏太后曰春秋迎皇后于紀

在塗則稱后今大將軍異女弟應昭聖善結昏
之際有命既集帝為蠶吾侯梁太后徵欲與后
為宜備禮進徵幣於是悉依孝惠皇帝納后故
事聘黃金二萬斤納采鴈璧乘馬束帛一如舊
典

桓帝鄧皇后名猛女和熹皇后從兄子鄧香之女
永興中進入掖庭為采女絕幸梁后崩梁異誅立
為后八年坐驕忌廢以憂死立七年葬北邙
桓思竇皇后名妙章德皇后從祖弟孫女延熹八
年鄧后廢以選入掖庭為貴人其冬立為皇后帝
崩靈帝立尊為皇太后
靈帝宋皇后扶風平陵人肅宗宋夫人之從曾孫

建寧三年選入掖庭為貴人明年立為皇后無寵
為中常侍王甫及後宮幸姬等所譖坐廢以憂死

靈帝冊宋貴人為皇后天子御章德殿軒百官

陪位太尉襲使持節奉璽綬皇后北面帝南面

太尉立階下東向宗正大長秋西向宗正讀冊

文曰惟建寧四年七月乙未制詔皇后之尊與
帝同體供奉天地祗承宗廟母臨天下故有莘
與殷姜任母周二代之宗蓋有內德長秋宮闕
中宮曠位宋貴人垂叔媛之懿體河山之儀威
容昭曜德冠後庭群僚所咨人曰宜哉卜之著
龜卦得坤乾有司奏議宜稱綬組以毋兆人今
使太尉襲使持節奉璽綬宗正祖為副立貴人
為皇后其往踐爾敬尊禮典肅慎中饋毋替
朕命永冊文畢皇后拜稱臣任位太尉授璽綬
終天祿

中常侍長秋太僕高鄉侯覽長跪受璽綬奏於
殿前女使授婕妤遂長跪受以授昭儀受長跪

以帶皇后皇后伏起拜稱臣妾畢黃門鼓吹三

通鳴鼓畢羣臣以次出后即位大赦天下皇后

秩比國王即位威儀赤紱玉璽也漢制乘輿黃

赤纁紺純黃質長二丈九尺九寸太子太后與乘輿同

靈思何皇后南陽宛人家本屠者以選入掖庭俗

通曰漢以八月筭人后家以金帛賂遺主者以求之也生隍子辨拜為貴人

光和三年立為皇后靈帝崩皇子辨即位尊為皇

太后

王美入趙國入以良家子選入掖庭生皇子協何

后妬而醜之董卓既廢少帝立協是為獻帝後追

尊為靈懷皇后改葬文昭陵

獻帝後皇后名壽琅邪東武人太司徒湛之八世

孫初平元年入掖庭為貴人興平二年立為皇后

建安十九年為曹操所殺在位二十年獻穆曹皇

后名節魏公曹操之中女建安十八年操進三女

憲節華為夫人聘以束帛玄纁五萬匹小者待年

於國留住於國以待年長十九年並拜貴人伏皇后殺立節

為皇后在位七年帝禪于魏降為山陽公夫人魏

景初元年薨合葬禪陵

范曄論曰漢世皇后無謚皆因帝謚以為稱

雖呂氏專政上官臨制亦無殊號上宜昭也

與明帝始建光烈之稱其後並以德為配至

於賢愚優劣混同一貫故馬竇二后俱稱德

焉其餘惟帝之庶母及蕃王乘統以追尊之

重特為其號如恭懷孝崇之比是也初平中

蔡邕始追正和熹之謚蔡邕集議曰漢世母

建光烈之稱是後轉因帝號嘉之以德上下

優劣混而為一違禮大行受大名小行受小

名之制謚法有功安人曰熹帝后一體

禮亦宜同大行皇太后謚宜為和熹

思順烈以下皆依而加焉

魏因漢法母后之號皆如舊制自夫人以下世有

增損太祖建國始命王后其下五等有夫人有昭

儀有婕妤有容華有美人文帝增貴嬪淑媛脩容

順成良人明帝增湫妃昭華脩儀除順成官太和

中始復命夫人登其位於湫妃之上自夫人以下

爵凡十二等貴嬪夫人位次皇后爵無所視湫妃

位視相國爵比諸侯王淑媛位視御使大夫爵比

縣公昭儀比縣侯昭華比鄉侯脩容比亭侯脩儀

比關內侯婕妤視中二千石容華視真二千石美

人視比二千石良人視千石武宣下皇后琅邪開

陽人本倡家年二十太祖納之於譙為妾生文帝

諸子無母者皆令母養之建安二十四年拜為王

后文帝受禪尊為皇太后

文昭甄皇后中山無極人本表熙妻冀州平文帝

納之生明帝皇初二年以怨望賜死明帝即位追

謚文德郭皇后安平廣宗人太祖時得入東宮文

帝為太子立為夫人及踐阼為貴嬪黃初三年立

為皇后明帝即位尊為皇太后

明悼毛皇后河內人黃初中以選入東宮明帝即

位

位

位以為貴嬪太和元年立為皇后景初元年以愛

施賜死加謚葬愍陵
明元郭皇后西平人世河右大族黃初中本郡反
叛遂沒入宮明帝愛幸之拜為夫人後立為皇后
齊王即位尊為太皇后

魏制天子冊后以皮馬庭實嘉穀珪齊王正始
四年立后甄氏其儀不存

晉景獻羊皇后名徽瑜泰山南城人景帝納之無
子武帝受禪居弘訓宮號宏訓太后咸寧四年崩
文明王皇后名元姬東海郟人父肅魏中領軍陵
侯歸于文帝生武帝帝受禪尊為皇太后宮曰崇
化初置宮卿重其選以太常諸葛緒為衛尉太僕劉原為太僕宗正曹措為少府四年崩

武元楊皇后名艷弘農華陰人父文宗文帝為世

子聘之即位立為皇后有司奏依漢故事皇后太

帝以非古典不許生惠帝泰始十年崩葬峻陽陵

泰始中帝博選良家以充後宮先下書禁天下

嫁娶使宦者乘使車給駟騎州郡召充選者使

右揀擇后性妬惟取潔白長大端正美麗者司

徒李胤領軍大將軍胡奮廷尉諸葛冲太僕臧

權侍中馮蓀秘書郎左思及世族子女並充三

夫人九嬪之列司冀兗豫四州二千石將吏家

補良人以下名家盛族子女多敗衣瘁兒以避

之九年帝多遣良家子女以充內職自擇其

美者以絳紗繫臂平吳之後復納孫皓宮以數

千自此掖庭殆將萬人而並寵者甚衆帝莫知
所適常乘羊車恣其所之至便宴寢宮人乃取
竹葉挿戶以蓋汁灑地而引帝車

太始十年將聘三夫人九嬪有司奏禮皇后聘
以穀珪無妾媵禮贄之制曰詔拜授可依魏氏
故事於是臨軒使使持節兼太常拜三夫人兼
御史中丞拜九嬪

武悼楊皇后名芷元后從妹父駿以咸寧二年立
為皇后惠帝立尊為皇太后

武帝咸寧二年臨軒遣太尉賈充策立皇后楊
氏因大赦賜王公以下各有差百僚上禮

○太康八年有司奏大婚納徵用玄纁束帛嘉

穀珪馬二駟羊鴈酒米如故

尚書朱整議按魏
晉故事天子以皮

馬為庭實
加以穀珪

左貴嬪名芬兄思好學善文名亞於思武帝聞其
名納之拜脩儀

胡貴嬪名芳父奮太始九年納宮中拜貴嬪生武
安公主

諸葛夫人名婉琅邪陽都人父冲以泰始九年入
宮拜為夫人

惠賈皇后名南風平陽人父充泰始八年冊拜太
子妃帝即位立為皇后干政廢楊太后淫恣在位
十一年趙王倫等廢而殺之

惠羊皇后名獻容泰山南城人賈后既廢孫秀乃

立為皇后時太安元年成都王穎奏廢為庶人陳
粦等仗義復后位張方入洛又廢后大駕幸長安
又復永興初又廢河間王顥欲殺后周馥止之帝
崩懷帝立尊為惠皇后居弘訓宮洛陽敗沒於劉
曜曜僭位以為后生二子而死偽謚文獻皇后

先公曰自司馬懿廢齊王芳司馬昭弒高貴
鄉公而皆假太后以為言既以此得成篡矣
詎意其後改易詔書黜亮升駿者后為之也
偽立文字弒武悼殺愍懷者后為之也彼羊
后區區一放廢婦人囚處宮園何預世事而
今日復明日廢紛紛未已何耶姦人常懼有
假之以舉事如前之為者是以一人復之則

一人廢之至辱於非類而后已哀哉誰實基
之

謝夫人名玖父以屠羊為業武帝時入後庭為才
人帝以賜太子生皇孫適適立為太子拜淑媛及
愍懷太子遇害玖亦死

懷帝王太后名瑗武帝宮才人生懷帝早卒帝即
位追尊曰皇太后元帝夏侯太妃名光姬沛國譙
人琅邪武王為世子納焉生元帝帝嗣位稱王太
妃永嘉初薨于江左

元敬虞皇后名孟母濟陽外黃人父豫元帝為琅
邪王納為妃無子永嘉六年薨太興三年追冊為
皇后

豫章君荀氏元帝宮人生明帝帝即位封建安君

成帝立尊重同於太后成康元年薨

明穆庾皇后名文君潁川陽陵人父琛元帝聘為

太子妃明帝即位立為皇后成帝即位尊為皇太

后

晉太康中有司奏太子昏納徵用玄纁束帛嘉

璧羊馬二駟

東晉太子昏納徵禮用玉璧一虎皮二

王彪之亦王之美者豹皮彩蔚以譬君子王肅納徵辭

云玄纁束帛麗皮雁羊前漢亦無用羊之禮鄭氏昏物贊曰羊者祥也婚之有羊自漢末始

成恭杜皇后名陵陽京兆人鎮南將軍預之曾孫

成帝備禮拜為皇后在位六年崩年二十一

成康二年帝臨軒遣使持節兼太保領諸葛恢兼

太尉護軍孔愉六禮備物拜皇后杜氏即日入宮

帝御太極殿羣臣畢賀

賀非禮也王者昏禮禮無其制春秋祭公逆王后于

紀穀梁左氏說與公羊又不同而况漢魏遺事闕略者衆晉武惠始納后江左又無儀注故成帝將納

杜后大常華恒始與博士參定其儀據杜元愷左氏傳說主昏是供其昏禮之幣而已又周靈王求

昏於齊先儒以為丘明詳錄為王昏禮故成帝臨軒遣使稱制拜后然其儀注又不具存

章太妃周氏以選入成帝宮生哀帝及海西公拜

貴人哀帝即位詔有司議貴人位號太尉桓温議

宜稱夫人尚書僕射江勰議應曰大夫入詔崇為

皇太妃儀服與太后同

康獻褚皇后名蒜子河南陽翟人父哀少以名家

入為琅邪王妃康帝即位立為皇后穆帝即位尊

為皇太后

康帝建元元年納后褚氏而儀注陞者不設旄
頭殿御史奏令迎皇后依昔成恭皇后入宮御
物而儀注至尊袞冕升殿毛頭不設昔迎恭皇
后唯作青龍旂其餘皆即御物令臨軒遣使而
五牛旗毛頭畢罕並出即用舊制今闕詔曰今
所以正法服升太極者以敬其始故備禮也今
何闕所重而撤法物耶又恭后神主入廟先帝
詔后禮宜有降不宜建五牛旗既不說五旗則
毛頭畢罕易具也又詔舊制既難且於今而備
法服儀飾粗舉兼副雜器停之穆帝永和十年
臺符問六禮板文舊稱皇帝今太后臨朝當何

稱博士曹耽云公羊傳昏禮不稱主人母命諸

父為主傳記裂繻來迎女不稱使太常王彪之

云三傳異義不可全據今皇后臨朝稱制文告

所達國之大典皆仰稟成命非無外事也豈婚

聘獨不通乎六禮板文應稱皇太后詔彪之又

嫁女使同姓之國為主者以受體於皇極則有

虧昏姻之敵禮至于迎后之制必禮成而後入

雖復戚屬之尊亦臣妾也天王之后寧可先于

蕃國然後入臨六官乎是以祭公來迎王后于

紀使我為媒符又問今后還政不復臨朝當何

稱彪之云當稱皇帝詔升平元年將納皇后何

氏彪之正禮始更六引經傳及諸故事深曰王

者之於四海無不臣妾雖復父兄之親師友之
賢皆純臣也夫崇三綱之始定乾坤之儀安有

天父之尊而稱臣下之命以納伉儷安有臣下
之卑而稱天父之名以行大禮遠尋古禮於義
不通按咸寧二年納悼皇后時弘訓太后臨天
下而無命咸屬之臣為武皇父兄主婚之文考
咸寧故事不稱父兄師友則咸康華恒所上合
於舊也謂今納后儀制一依咸寧故事從之恒
定六禮云宜依舊及大晉已行之制此恒猶識
前事故王彪之欲從咸康群臣賀為失其告廟六
禮故但作咸康上禮群臣不復賀也其告廟六
禮板文等皆彪之所定博尺二寸以應十二月
博四寸以象四時厚八分以象八納採用鴈一
節皆真書后家答則以鮫脚書之納採用鴈一
頭白羊一口酒十二斛軍都鄉侯何渾元資始
肇經人倫爰及夫婦以奉宗廟天地社稷謀于
公卿咸以為宜率由舊典今使持節崇德衛尉

領太常彪之兼宗正散騎侍郎綜以禮納采后
家答曰皇帝嘉命訪昏陋族倫數采擇臣之先
臣散騎侍郎准之遺女未闕教訓衣履若人欽
承舊章肅奉典制前太尉將軍都鄉侯糞土臣
何琦頓首拜承制問名用鴈羊如前容前某官侯
稽首再拜承制問名用鴈羊如前容前某官侯
何兩儀配合承天統物正位于內必候命族重
中舊典今使持節某官彪之重宣中詔問臣
后家答曰皇帝嘉命使者彪之重宣中詔問臣
名族女答曰父母所生先臣故光祿大夫呼屢侯慎
之遺玄孫先臣故蔡州刺史關內侯悼之曾孫
先臣故安豐太守關內中侯友之孫先臣故散
騎侍郎准之遺女外故侍中關內侯夷之外孫
女年十七何欽承舊章肅奉典制前某官某
侯糞土臣何琦頓首再拜承制問名用鴈羊如前
用鴈羊酒如前何人謀龜從命曰貞吉敬順
典禮今使持節某官彪之重宣中詔納吉后
家答曰皇帝嘉命使者彪之重宣中詔納吉后
吉臣陋族早鄙憂懼不堪欽承舊章肅奉典制
前某官某侯糞土臣何琦頓首再拜承制問名
納徵用白羊一口玄纁帛三匹絳二匹綰二百

匹獸皮二枚錢二百萬玉璧一枚酒十二斛馬

六馬儀文曰皇帝曰咨某官某侯何之族女有母

承天祚以玄纁皮馬羊錢璧以章典禮今使持

節兼司徒光祿勳關內侯恪崇德衛尉領太常

彪之以禮納徵命以上答皇帝嘉命使者恪重宣

中詔降昏早廼命以上公寵以豐禮俗物典策

欽承舊章肅奉典制前某請期用鴈羊酒米如

官某侯云再拜承制詔某請期用鴈羊酒米如

初文曰皇帝曰咨前某官某侯何謀為公卿大

某官綜以禮請期后家答皇帝嘉命使者彪之

重宣中詔吉日惟八月壬子可迎臣欽奉舊章

蕭奉典制前某官某迎用鴈羊酒米如初文曰

侯某再拜承制詔某迎用鴈羊酒米如初文曰

日咨前某官某侯何歲吉月令吉日唯未率禮

以迎今遣使持節兼大保侍中太宰武陵王暕

迎太禮以迎皇帝嘉命使者暕重宣中詔令月吉

辰脩禮以迎皇帝嘉命使者暕重宣中詔令月吉

蠓蟻之族狼承大禮憂懼戰悸欽承舊章肅奉

典制前某官某侯糞土臣某謹因使者兼某官

某侯王暕策皇后文曰惟升平元年八月皇帝

上謹答

使使持節兼太保侍中太宰武陵王暕冊命故

散騎侍郎女何氏為皇后咨爾易本乾坤詩首

關睢王化之本寔由內輔是故皇英嬪虞帝道

以光姪姒母周胤嗣克崇皇后其祗勗厥德以

肅承宗廟虔恭中饋盡敬婦道帥導六宮作軌

儀于四海皇天無親惟德是依可不慎歟

穆章何皇后名法倪廬江潯人父準升平八年以

名家膺選冊為皇后無子哀帝即位稱穆皇后居

永安宮永興三年崩年六十六在位四十八年

哀靖王皇后名穆之太原晉陽人司徒左長使濛

之女哀帝即位以王妃立為皇后無子三年崩

廢帝庾皇后名道伶潁川陽陵人父冰初為東海

三十一

三妃王即位立為后太和六年崩帝廢追贈為海西公夫人

簡文宣鄭太后名阿春河南滎陽人先適渤海田氏生一男而寡元帝納之生簡文帝咸和元年薨簡文即位未及追崇孝武時追上尊號曰簡文太后

簡文順王皇后名簡姬太原晉陽人父遐遂為會稽王妃生子道生失意以憂死孝武帝即位追尊曰順皇后合葬高平陵

孝武文李太后名陵容本出微賤簡文屢失子召幸之生孝武帝帝即位尊為湫妃後追為皇太妃孝武定王皇后名法慧哀靖皇后之姪父蘊孝武

即位納為后太元五年崩年二十一葬隆平陵

安德陳皇后名歸女松滋尋陽人孝武時入宮為

湫媛生安恭二帝後追崇曰太后

安僖王皇后名神愛琅邪臨沂人父獻之初為太子妃安帝即位立為皇后無子義熙八年崩年二十九葬休平陵

恭思褚皇后名靈媛河南陽翟人父爽初為琅邪王妃恭帝即位立為皇后帝禪位降為零陵王妃宋元嘉十三年崩年五十三祔葬冲平陵

文獻通考卷之二百五十三終

